

**Poli à letereŋi shɔnwuŋi ŋgemu  
tun Timŏti á ke  
Mpe yii à yaa yii cè mà jwo yii jyè  
letereŋi funŋɔ jwumpe e ke**

Letereŋi shɔnwuŋi Poli à tun Timŏti á ke, uru u à pyi Poli letereŋi nizanŋi, mpii u à séme na pi nyɛ Kile Jwumpe Semɛŋi i ke. Pi à u niŋjyewuŋi cû a le kàsuni i Kile jwumpe njwuŋi kurugo. U mpyi a cè na uru tèekwuun'à byanhara. U mpyi a cè mú na uru ká ŋkwû, na uru sí n-kàre Kafooŋi Yesu yyére. Lire e u à ŋge letereŋi séme maa u yeɛyi nizanŋyi le u e mà tun Timŏti á, maa màban le u e u báaraŋi mpyiŋi na.

Poli mpyi a cè na Timŏti à ŋgaha ta Kile báaraŋi i. Lire kurugo u à u yeɛ na u pyi uru fiige, u u ŋkwôro u a sùpyire kâlali Kile jwumpe na, bà pi à u kâla pu na mà u yaha nàŋjiiwe mɛ; na u à yaa u a kacɛŋŋii pyi sùpyire puni na, u mú à yaa u a sùpyire taanni Kile kuni jaaraŋkanni na ná lùtaanni i. Bà faapyiŋi maha u keɛge báare mɛ, u raa báare sèè sèl'e amuni, bà Jwumpe Nintanmpe si mpyi si nɔ cyeye niŋyahay'e mɛ.

*Poli à Timŏti shéere*

<sup>1</sup> Mii Poli u nyɛ Yesu Kirisita tùnntunŋɔ mà tàanna ná Kile nyii wuuni i ke, shìŋi jwɔmɛɛni Kile à lwó ná uru maha ntaa Yesu Kirisita wwoŋɛɛge cye kurugo ke, u à mii tun mii u sà a uru jwumpe yu.

<sup>2</sup> Mii à ŋge letereŋi tun mu á Timŏti, mu u nyɛ mii ntàannamajyaŋi mà tàanna ná Kile kuni i ke, wuu

Tuŋi Kile ná wuu Kafoonji Yesu Kirisita pi ɲwɔ ma na, pi i ɲùɲaara ta ma na, pi i yyeɲiŋke kan ma á.

*Poli à màban le Timŏti i Kile jwumpe ɲjwuɲi na*

<sup>3</sup> Mii à Kile shéere, uru ɲgemu á mii na báaraɲi pyi ná funvyinge e, na tulyeyi fiige ke. Pilaga bâra canɲa na, mii aha a Kile ɲáare, mii funɲɔ ɲye na wwùu mu na mɛ.

<sup>4</sup> Canɲke wuu à láha wuye na ke, mu à mɛɛ sú sèl'e, mii funɲɔ ɲye a wwò lire na mɛ. Lire e mii la ɲye si núru mu ɲya, bà mii funɲke si mpyi si ntáan sèl'e mɛ.

<sup>5</sup> Mii funɲɔ sàha wwò mu Kile kuni ɲaaraɲkanni niɲcenni na mɛ, mu nulyage Loyisi ná mu nuɲi Enisi à lire ndemu ɲaara mu yyaha na ke. Mii mú s'à tɛɛn ná l'e na mu à kwôro lire kuni i.

<sup>6</sup> Lire kurugo tɛni i mii à na cyeyi taha mu ɲùɲke na maa Kile ɲáare, ka mu u Kile màkange ɲkemu ta u báaraɲi mɛɛ na ke, maye pwɔ bà kuru si mpyi si ɲkwôro mu cye e mɛ.

<sup>7</sup> Kile Munaani ká wuu yyaha cù, wuu saha ɲye a yaa wuu a fyáge mɛ, ɲaha na ye li sí fànha kan wuu á, si tàange le wuu zòmɲyaagil'e, si wuu pyi wuu cù wuye na.

<sup>8</sup> Lire kurugo ma hà raa silege s'a wuu Kafoonji Yesu kyaa yu sùpyir'á mɛ. Mii mɛɛ ɲye kàsɲi i u mɛge kurugo ke, lire kà mpyi ma á silege kyaa mɛ. ɲka maye pwɔ Kile fànhe niɲkange na, ma a ma nàzhan lwó kyaage e mii fiige Jwumpe Nintanmpe ɲjwuɲi kurugo.

<sup>9</sup> Kile u à wuu shwɔ, maa wuu yyer'a pyi sùpyii fwɔnrɔ baa wuu. Wuu kacɛɲɲkii kurugo bà u à lire pyi mɛ, wuu ná Yesu Kirisita wwɔɲɛge kurugo, u à

Ƶwɔ wuu na maa lire pyi mà tàanna ná u Ƶyii wuuni i, mà diƵyeŋi ta u sàha s̄i mɛ.

<sup>10</sup> Numɛ u à lire kacɛnni cyêe wuu na wuu Shwofoonji Yesu Kirisita mpaŋi cye kurugo. Uru u à fànha ta kwùŋi na, maa li cyêe na wuu aha Ƶɛ Jwumpe Nintanmpe na, wuu sí sh̀ŋi niŋkwombaanji ta.

<sup>11</sup> Puru Jwumpe Nintanmpe Ƶjwuŋi kurugo Kile à mii pyi u t̀nntunŋɔ. Mii na puru jwumpe yu s̀pyir'á marii pi k̀lali pu na.

<sup>12</sup> Lire kurugo ŋke yyefuge puni Ƶye mii Ƶun'i. Ŋka lire ná li wuuni mú i, lire Ƶye mii á silege kyaa mɛ, Ƶaha na ye ŋgemu na mii à na cyɛge taha ke, mii à uru cè, mii mú à t̀ɛn ná l'e, nde mii à kan u á ke, li síŋi Ƶye u na mà lire màra fo diƵye canŋkwɔge.

<sup>13</sup> Ƶye Timŏti, jwumpe sèe wumpe mii à jwo mu á ke, puru yaha maye funŋ'i, maa maye pwɔ Kile kuni Ƶaaraŋi na. Ntàannamagare ti Ƶye na ntaa Yesu Kirisita wwoƵɛɛge e ke, ta ma karigii pyi ma a ntàanni ná tire e.

<sup>14</sup> Jwumpe Nintanmpe p'à jwo mu á ke, ma hà wà yaha u a pu labali u a yu mɛ. Pu màra ná Kile Munaani fànhe e, lire ndemu l'à t̀ɛn wuu e ke.

<sup>15</sup> Mu à cè na Azi k̀luni dánafeebii pun'à k̀ntugo wà mii na, Fijeli ná Ɛrimŏjeni mú na Ƶye pire e.

<sup>16</sup> Ŋka Onɛzifŏri wi ke, u à mii funŋke Ƶiŋɛ karii niƵyahagil'e. Mii k̀sujyiini Ƶye a pyi u á silege kyaa mɛ. Kafoonji u Ƶ̀naara ta u pyɛngɛ shiinbii na.

<sup>17</sup> T̀eni i u à pa naha Ɔromu k̀nbwɔhe e ke, u à mii cya fo mà mii Ƶya.

<sup>18</sup> Kafoonji Kile u Ƶ̀naara ta u na diƵyeŋi canŋkwɔge Kafoonji Yesu mɛge na. U à kacɛnŋkii

nyiiimu pyi mii na mà mii yaha Efese kànhe e ke, mu Timŏti à cyire cè mà tòro sùpyire puni na.

## 2

### *Kirisita sèbaapyiŋi kani*

<sup>1</sup> Nyε mii jyaŋi Timŏti, Yesu Kirisita à jwŏ mu na maa fànhe ŋkemu kan mu á, mu ná u wwojhege e ke, ta Kile kuni jaare ná kur'e.

<sup>2</sup> Kile Jwumpe mu à lógo mii jwŏ na shinjyahara nyii na ke, puru jwumpe jwo piiberil'á, wà sí n-jà cye taha mpiimu na, ná pire mú sí n-jà pu jwo piiberil'á ke.

<sup>3</sup> Ná mu sí nyε Yesu Kirisita sòrolashi nijcenne, ma nàzhan lwó yyefuge e.

<sup>4</sup> Kampyi sòrolashiŋi la nyε si ntáan u jùŋufoŋ'á, u kapyiŋkii saha nyε a yaa cyi pyi shintiiwe wogii fiige mε.

<sup>5</sup> Ngemu u nyε na kajataferε fî mú ke, u aha mpyi u nyε na fî mà tàanna ná tire tafεere kuzhegil'e mε, urufoo sì kajanjwooni ta mε.

<sup>6</sup> Faapyiŋi u à màban le uye e sèl'e ke, uru sí n-fyânha u kanhare tònŋi ta.

<sup>7</sup> Karigii yyaha mii à jwo mu á ke, funjke cya cyi na sèl'e. Lire ká mpyi, wuu Kafoŋi sí mu tεge bà mu si mpyi si cyi puni yyaha cè mε.

<sup>8</sup> Funjŏ cwo saanŋi Dawuda tùluge shinŋi Yesu Kirisita na, u à kwû maa jè a fwordo kwùŋi i. Puru Jwumpe Nintanmpe mii nyε na yu sùpyir'á.

<sup>9</sup> Puru jwumpe njwuŋi kurugo, mii nyε kyaage e, pi à mii le a pwŏ kàsŋi i, mu à jwo kakuumpyi u nyε mii. Nka lire nyε a lí cyêe na Kile Jwumpe pi à le a pwŏ kàsŋi i mà dε!

10 Mii à kuru kyaage puni kwú naye e, Kile niɲcɔnribii kurugo, bà Yesu Kirisita si mpyi si pi shwɔ pi i mpyi Kile sinampe e fo tèekwombaa mɛ.

11 Mpe jwumpe na ɲɛ kaɲɛɛ:

Wuu aha ɲkwû ná Kirisita e,  
wuu sí n-pyi ɲyii na ná u e.

12 Wuu aha kyaage kwú wuye e,  
wuu sí n-pyi fânhe e ná u e,  
ɲka wuu aha kântugo wà u na,  
u mú sí kântugo wà wuu na.

13 Wuu mée ká mpyi wuu ɲɛ a jà a kwôro ná u e  
tèrigii puni i mɛ,

wuu a yaa wuu li cè u na ɲɛ ná wuu e tèrigii puni  
i  
ɲaha na ye u ɲɛ na núruli u ɲwɔmɛeni ɲwɔh'i mɛ.

14 Ta sùpyire funɲɔ cwo mpe jwumpe na, yi jwo a waha pi á Kile ɲyii na, na pi àha raa nàkaante laaga baa woore pyi mɛ, kaɲwɔɔ ɲɛ ti na mɛ, ti mú ɲɛ na ti lógofebii leni kuro niɲcɛnni i mɛ, ti maha pi wuuni kèɛge.

15 Mu wi ke Timoti, maye waha ma a li cyêe Kile na na mu na ɲɛ u báarapyi niɲcɛnɲɛ, bà mu si mpyi ma hà bú ɲùzogoro ta ma báaraɲi cye kurugo mɛ. Ta Kile jwumpe yu ma a ɲwɔge, puru pu ɲɛ sèɲi.

16 Cû maye na nàkaante laaga baa woore mpyiɲi na, ti ɲɛ a táan Kile á mɛ, ɲaha na ye mpii pi maha tire nàkaante shiɲi pyi ke, ti maha pire laage tɔɔnge Kile na.

17 Tire nàkaante maha kakyaare pyi, bà nɔkwombaaga maha fwónre na ɲkèɛge mɛ. Imɛnɛ ná Filɛti na ɲɛ tire nàkaante pyifeebil'e.

18 Pi à sèɲi kuni yaha marii fini na Kile à dánafeebii ɲè a yige kwùɲi i mà kwò, na kwuɲɛɛ

saha nyε mε. Lire pyiŋkanni na, pi à sùpyire tà jwɔ fáanŋa a yige Kile kuni i.

<sup>19</sup> Nka Kile Jwumpe nyε na ŋkêenni mε, pu na nyε mu à jwo бага nintaa ndemu l'à faanra a jwɔ ke, l'à séme lire nintaani na:

«Kafoonji Kile à u wuubii cè\*.»

L'à séme mú na:

«Shin maha shin u à jwo na uru na nyε Kafoonji Kile wu ke, urufoo u láha kapegigii mpyiŋi na.»

<sup>20</sup> Mu aha jyè shinbwoŋi wà bage e, mu maha li nya na bage yaayi yà na nyε seen wuyo, yà s'à yaa ná wyérefyiŋi i, yà sí nyε cire wuyo, yà sí nyε cogo wuyo. Yajigiyi loŋgara wuyi maha yaha canmbwoyi mεε na, marii jígini ná yi sanŋyi i canmpyaagii sanŋkil'e.

<sup>21</sup> Nyε amuni li mú nyε, ŋgemu ká láha kapegigii mpyiŋi na ke, urufoo sí n-pyi mu à jwo yajigiŋe loŋgara wogo. Urufoo sí n-yaha uye kanni na u jùŋufoonji báaraŋi mεε na. Urufoo kaŋwɔni sí n-pêe u á sèl'e. Urufoo sí n-bégele báaraŋi niŋcenni shiŋi puni mpyiŋi mεε na.

<sup>22</sup> Timoti, nàŋjiibii na òrili pi jyii karigii ninti-imbaagii jcyiimu kurugo ke, laaga tɔn cyire na feefee! Maye waha ma a katiigii pyi, ma a mpyi dánasupya, ma a ma shinŋεebii kyaa táan may'á, mpii pi nyε na Kafoonji père ná zòvyinre e ke, mu ná pire pi bê.

<sup>23</sup> Ma hà raa ma jwɔge leni nàkaante laaga baa woore e mε, tire maha ma ná yoge e.

<sup>24</sup> Mà li ta Kafoonji Yesu báarapyi nyε a yaa u a kàshi kwùun mε. U à yaa u a sùpyigire pyi ná sùpyire

---

\* **2:19** Nɔmburu 16.5

puni i, u mú à yaa u a sùpyire taanni Kile kuni ñaaraŋkanni na, u à yaa u kariii kwú uye e.

<sup>25</sup> Mpii pi ñye na u kyáali ke, u raa pire leni kur'e ná lùtaanni i. Shwəhəl'e Kile sí pyiŋkanna kan pi á, bà pi funzəŋəre si mpyi si ŋkêenŋe, pi i sèenŋi cè mɛ,

<sup>26</sup> si funŋcennŋe ta si piye shwə Sitaanniŋi na, uru ŋgemu u à pi cū bà kànhaŋa maha yaaga cū mɛ. Pi kacuni li ñye Sitaanniŋi á, pi raa uru ñyii wuuni pyi.

### 3

#### *Dìnyenŋi canzanŋyi kani*

<sup>1</sup> Ñye Timŋti, mu à yaa mu u li cè na dìnyenŋi canzanŋyi sí n-waha sèe sèl'e,

<sup>2</sup> ñaha na ye sùpyire sí raa n-kòre tiy'á, ti funzəŋəre puni sí n-taha wyérenŋi na, pi sí raa piye père, pi sì raa piye cyiin sòŋŋə mɛ, pi sí raa Kile mege kèege, pi sì n-pyi ná pèen'i mà yaha tíi ná pi sifeebil'e mɛ, pi sì wà kacennɛ cè mɛ, pi mú sì Kile kuni kani là le dá e mɛ.

<sup>3</sup> Pi sí n-pyi sùpyigire baa ná ñùñaara baa shiin, s'a sùpyire sannte meyi kèege, pi sì n-jà n-cú kapegigii mpyiŋi na mɛ, pi sí n-pyi shinpii, pi tafunŋi u sí n-pyi kacennŋkii mpyiŋi.

<sup>4</sup> Pi sí raa sùpyire leni cye e, pi tɛenmɛ sí n-pɛn, s'a piye père sèl'e. Pi sí ñyii yige pi yabilimpaii ñyii kariigii kurugo mà tòro Kile ñyii wogigii na.

<sup>5</sup> Pi sí piye pyi sùpyire ñyii na, mu à jwo Kile kuni ñaarafee ñiŋcɛnmii, mà li ta pi sì ñee piye yaha Kile u a ŋkêenŋi mɛ. Timŋti, laaga təon uru supyishinŋi na.

<sup>6</sup> Pi pìi maha jyè pyenyi i marii cyeebii funḡo baa wuubii pìi wɔage ná pi jwɔtanyi i, bà pi si mpyi s'a jεεge pi jwumpe na mε. Pire cyeebill'à kapegigii nijyahagii pyi, maa pi nyii karigii shiḡi puni pyi jcyiimu cyi à kàntugo wà Kile kun'á ke.

<sup>7</sup> Tèrigii puni i, pi la maha mpyi si kariii yyaha cè, ḡka pi si n-sii n-jà sèenji cè mε.

<sup>8</sup> Pire nàmbaabii na sèenji tùnni, bà Zhanεsi ná Zhanberεsi\* à Kile tùntunḡiMusa tùn tèecyiini i mε. Pi funzɔḡore pun'à lwó a pwɔ kapegigii mpyiḡi na, pi Kile kuni jaaraḡi jye jḡḡo baa.

<sup>9</sup> ḡka pi karigii si n-shà yyaha na mε, jaha na ye shinjyahara sí n-pa li cè na pi funḡo baa wuu pi jye, mu à jwo Zhanεsi ná Zhanberεsi.

### *Timoti à yaa u kwôro Kile kuni i*

<sup>10-11</sup> Timoti, mu wi ke, karigii na mii à kâla ke, ná mii toronḡkanni ná karigii mii la jye si mpyi ke, ná mii Kile kuni jaaraḡkanni ná pyiḡkanni na mii à cû naye ke, ná pyiḡkanni na sùpyire sannte kyal'à táan mii á ke, ná pyiḡkanni na mii à naye waha Kile kuni i ke, ná pyiḡkanni na mii à kyaala sùpyire cye e ke, mu à pyi mii fiige cyire puni i. Mu à li cè na mii à kyaala Antiyɔshi ná Ikoni ná Lisitiri kànyi i. Mii à kyaala wani sèl'e, ḡka lire ná li wuuni mú i, wuu Kafoonji à mii yige kuru yyefuge puni i pi cye e.

<sup>12</sup> Lire pyiḡkanni na, shin maha shin la ku jye s'a Kile kuni jaare Yesu Kirisita wwojεεge e ke, urufoo sí n-kyaala sùpyire cye e.

---

\* **3:8** Yahutuubii na sɔḡḡi na Misira jcéfeebii kyaa l'à jwo Ekizodi 7–8 i ke, pire pi jye Zhanεsi ná Zhanberεsi.



13 Nka shinpiibii ná kafinivinibii pi ke, pire sí yyaha le kapegii mpyiṅi na, pi sí raa sùpyire wuruge s'a piye wuruge mú.

### *Kile Jwumpe Semēṅi kaṅwṁni*

14 Mu wi ke Timṁti, karigii na mu à taanna, ka mu u dá cyi sēṅi na ke, maye pwṁ cyi na, ṅaha na ye mp̄ii pi à mu taanna cyi na ke, sēeshiin pi.

15 M̀a lwṁ fo mu ṅye ǹṅkocyere e, mu à Kile Jwumpe Semēṅi k̀ala a c̀e, uru Semēṅi jwumpe pu sí n-ḡà ỳkilifente kan mu á, b̀a mu si mpyi si dá Yesu Kirisita na si shwṁ m̀e.

16 Uru Semēṅi jwumpe pun'̀a fwooro Kile e, lire kurugo pu tayyereg'̀a p̀e, pu sí n-ḡà s̀pya taanna, pu sí n-ḡà s̀pya yeṛe si u le kuni ṅṅcenni i, pu sí n-ḡà s̀pyaṅi k̀u, si u yaha katiigii mpyiṅi na, pu na lire puni ṅwṁge.

17 Lir'̀a pyi b̀a Kile kuni ṅaarafeebii si mpyi si f̀ṅṅ s'a s̀ yyaha na kacēṅkii shiṅi puni mpyiṅi i m̀e.

## 4

### *Poli à Timṁti pyi u yyaha le Kile jwumpe ṅjwunṅi na*

1 Mii sí yi jwo n-waha mu á, Kile ná Yesu Kirisita ṅyii na, uru ṅgemu u sí ǹuru n-pa saanwa, si mpyi s̀pyire ṅṅṁ na, si kẁubii ná ṅyii wuubii s̀ara si nt̀aanna ná pi kapyiṅkil'e ke,

2 na mu à yaa mu u a Kile jwumpe yu ma a f̀iṅṅe s̀pyir'̀a t̀erigii puni i, t̀ewaa b̀ara t̀etaan na. Pi aha kyaa pyi ndemu l'̀a para ná Kile kuni i ke, li jwo pi á. Ta pi yeṛege ma a m̀aban leni pi e s̀l'e, ma a pi taanni Kile kuni ṅaaraṅkanni na ná l̀taanni i.

<sup>3</sup> Naha kurugo ye tēni là na ma, sùpyire sí n-pa raa ꝑcyíge kàlanj nĩncēnñi lógogo, s'a pi ꝑyii karigii pyi si ntaha cyelentiibii kafinivinibii p̄i jwəh'i mpiimu jwumə p'à táan pi niŋgyigil'á ke.

<sup>4</sup> Pi sí raa ꝑcyíge sēnñi lógogo, jwunjyempe laaga baa wumpe pu sí n-táan pi niŋgyigil'á.

<sup>5</sup> Nka mu wi ke Timōti, cū maye na tērigii puni i, ma a kyaage kwú maye e, ma a Jwumpe Nintanmpe yu sùpyir'á. Báara maha báara Kile à le mu cye e ke, ma a uru pyi ma nɔ u tēgeni na.

*Poli à jwo u mbòñi kyaa na*

<sup>6</sup> Mii wi ke, li saha sì mɔ mɛ, mii sí n-kwú. Mii sìshange sí n-wu n-pyi sáraga fiige.

<sup>7</sup> Mii à báarañi pyi Yesu Kirisita á ná na zòmbilini puni i, bà zhìlenje nĩncēnñe maha zhì leni mɛ. Báarañi Kile à kan mii á ke, mii à uru pyi a nɔ u tēgeni na. Mii tafɛɛr'á nɔ ti tēgeni na, mà mii ta mii à kwôro Kile kuni i.

<sup>8</sup> Numɛ Kafoonji Yesu à mii tafɛɛre sàrañi yaha mii yyaha na nĩpyiñi na, mii sí ntĩñi kajañjwooni ta. U à tíi, u sí sùpyire puni sâra sí n-tàanna ná pi kapyiñkil'e diñyēñi canñkwəge. Mii kann'á bà u sí uru sàrañi kan mɛ, shin maha shin u à bégel'a u tēnuruni sige ná funntange e ke, pire puni sí uru sàrañi ta.

*Poli yeɛyi nizanñyi Timōti á*

<sup>9</sup> Timōti, maye waha ma a mpa na yyére numɛ sasa,

<sup>10</sup> Naha na ye mii wwoñeñi Demasi à kàntugo wà mii na, u funzəñjɔre pun'à taha diñyēñi karigii na, lire e u à kàre Tesaloniki kànhe e. Kerezansi à kàre Galati kùluni i, Titi mú s'à kàre Dalimasi kùluni i.

11 Luka kanni u à kwôro ná mii i naha. Mu aha a si raa ma, yi jwo Marika á yii raa ma siŋcyan, naha na ye u tayyéreg'à pêe mii báaraŋi i.

12 Mii à Tisike tun Efese kànhe e.

13 Mu nimpaŋi, ma a ntòro Torasi kànhe e Kari-pusi yyére, ma a na vâanntinmbwôhe shwô ma a ma, ná mii sémebii, ŋka seεge wuubii kyaa li ŋye mii na sèl'e.

14 Tunntunnaŋi Alézandiri à kapii pyi mii na. Ŋka Kafoonji sí li fwooni tò u na.

15 Ta maye kàanmucaa u na mú, naha na ye u à ntùŋke taha wuu na wuu jwumpe kurugo.

16 Toŋcyiige e mii à kàre yukyaala bage e ke, sùpyaŋi wà tufiige ŋye a ŋen'a mii tège jwumpe na mε. Pi pun'à kàntugo wà mii á, maa mii yaha naye niŋkin. Ŋka Kile kà lire kapiini fwooni tò pi na mε.

17 Ŋka Kafoonji Yesu à mii tège maa fânha kan mii á, ka mii i ja à Kile Jwumpe jwo sèl'e, mpii pi ŋye pi ŋye Yahutuu mε, pire pun'à pu lógo.

Sitaanniŋi na ŋye mu à jwo cànrage, ŋka Kafoonji à mii shwô ku na.

18 Mii à li cè na Kafoonji sí mii shwô si mii pyi mii u láha kapegigii mpyiŋi na, si mii le u saanre e ñiŋyiŋi na. U à yaa ná pèente e fo tèkwombaa. Amiina

### *Fwùŋi nizaŋi*

19 Pirisili ná Akilasi shéere ma a Onezifōri pyenge shiinbii shéere mú.

20 Erasiti wi ke, ur'à tēen Kōrenti kànhe e. To-rofimu sí wi ke, mii à yîri u yaŋgwuŋi taan Miletì kànhe e.

21 Maye waha, ma a mpa na yyére mà jwo wy-eere tēni li nō ke. Ebulusi ná Pudēnsi ná Linusi

ná Kolojya ná dánafeebii sanmpii pun'à mu shéere naha.

<sup>22</sup> Kafoonji Yesu u kwôro ná mu i, u u jwɔ yii na, u u jwó le yii á.

**KILE JWUMPE SEMEŋI JWUMPE NINTANMPE**  
**New Testament in Senoufo, Supyire Farakala; spp**

copyright © 2008 Wycliffe Bible Translators, Inc.

Language: Supyire Sénoufo (Sénoufo, Supyire)

Translation by: Wycliffe Bible Translators

Contributor: Wycliffe Bible Translators, Inc.

**Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Senoufo, Supyire

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

---

PDF generated using Haiola and XeLaTeX on 18 Apr 2025 from source files  
dated 29 Jan 2022

9c94658e-b59d-5cd7-bd2e-4e0770667d41